



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Pollutio Ecclesiae.

urn:nbn:de:hbz:466:1-10421

Caputaquens. *decisio 71. par. 2.*

Decimosexto, an si quis lapsu centum annorum, vel plus invenerit instrumentum, quo cautum erat solvi certam quantitatem alicui Ecclesie teneatur illud in conscientia revelare? Respondet Navar, quod sic, *consil. 16. de reb. Eccles. non alien. nec videtur obstare prescriptio in hoc, quia datur restitutio in integr. ignorant. & presertim Ecclesie contra prescriptionem. Felin. in cap. vigilanti, num. 1. & infra de pres.*

Decimoseptimo, quomodo probetur consuetudo, sive prescriptio, circa furnos, & macella, de quibus in *ver. Barones, §. 4.* responderetur ex afflicto. in *constit. magistris, & procuratoribus, notab. 2.* quod si subditi conati sunt illud facere, & prohibiti acquieverunt illi prohibitioni, idem *cap. 1. numero 2.*

Decimooctavo, in prescrip. bonus, vel malus titulus predecessoris potest prodesse, vel obesse successori, sed bona, vel mala fides predecessoris, non potest prodesse vel obesse successori, Gem. in *cap. 1. ver. ulterius querit, de pres. libro 6.* Ratio est, quia successor credere debet suum predecessorem bonam fidem habuisse, *cap. sancimus, 1. quest. 7.*

POLLUTIO ECCLESIE.

Primo, fit homicidio. Secundo, sanguinis effusione. Tertio, seminis effusione. Quarto, quando in ea sepelitur excommunicatus, Abb. in *cap. consulisti, num. 1. d. consecr. Eccles. vel Altar.* Quinto, quando consecratur ab Episcopo excommunicato. Sexto, quando parietet repa-

rantur ex vetustate collapsi. Septimo, quando in ea sepelitur aliquis infidelis. Sylv. in *ver. consecrat. Navar. cap. 17. numero 251.*

Secundo, de primo, secundo, & tertio est notandum ex Doctorib. in *cap. ult. de consecrat. Eccles. vel Altar. libro 6.* quod ad hoc, ut Ecclesia dicatur polluta, quinque necessaria sunt, quorum uno deficiente, non dicitur polluta, nec consequenter indiget reconsecratione, vel reconciliatione, sive benedictione. Primo, ut homicidium, sanguis vel seminis effusio sit publica, non enim sufficit, ut sciatu ad duobus vel tribus. Abb. in *cap. signif. n. 2. de adult. & sup.* Secundo, ut sit licita. Tertio, ut sit magna effusio sanguinis. Quarto, ut fiat intra Ecclesiam. Quinto, ut sit voluntaria, ex quo deducitur, quod si homicidium sit causatum, vim vi repellendo, non est polluta Ecclesia, Soto 4. *Sent. distinct. 13. quest. 2. art. 3.* Victor. in *Sum. Saera. quest. 99.* Sylv. in *ver. consecr. §. 5.* Navar. *cap. 27. num. 251.* Secundo, quod effusio sanguinis Clericorum altercantium in Ecclesia paribus, vel ex ore, non causat pollutionem Ecclesie, Selva *tract. de bene. 1. p. quest. 5. num. 128.* gloss. in *d. c. Panorm. in cap. proposuisti, num. 3. de consecr. Eccles. vel altar.*

Tertio, unum notato, quod quando Ecclesia solum est benedicta, succedente pollutione, non opus est reconciliatione Episcopi, sed sufficit sacerdotalis benedictio, cum aqua a se benedicta, quando vero est consecrata, opus est Episcopali reconciliatione, & quando est consecrata, solet apparere ex crucibus rubeis, pictis ad parietes Ecclesie, Abb. in *cap. fin.*

fin. numero 1. de consecr. Eccles. vel Altar. Sylveſt. in ver. consecratio, §. 2. Turrecr. in dist. cap. cum gloss. ult. & quod dictum est de Ecclesia benedicta, vel consecrata, idem dicendum est de cæmeterio si polluat, Navar. cons. 2. numero 4. de consecrat. Eccles. vel altar.

Quartò, notato quòd succedente pollutione impediuntur divina officia, sed non lectio sacrae Scripturae vel prædicatio verbi Dei, *cap. responsio. de sent. excom. Navar. cap. 27. numero 176. notab. 2.*

Quintò, notato quòd si aliquid horum, quibus polluitur Ecclesia intervenit hodie, & ignoratur, & post octo dies venerit ad notitiam, si interim ibi fuerit celebratum, non opus est reconciliatione, quia unica sola celebratione dicitur Ecclesia reconciliata, *Alphon. de castro libro 2. capit. ultim. in fine, de leg. pen.*

Sextò, Ecclesia polluta cujus expensis est reconcilianda? *Vide Panorm. in cap. proposuisti. in ultimo, de cons. Ecclesia vel Altar.*

Hæc sufficiunt pro praxi quotidiana, cætera vide in Doctor.

Septimò, si quis percusserit aliquem in Ecclesia, vel quovis simili, causando tumorem, qui postea opus sit, ut aperiat, ut ferro, dicitur, quòd Ecclesia sit polluta, quia percussio fuit injuriola. *Afflicus in consuet. Si quis aliquem, Rab. 12. nu. 3. ver. 2. quero.* Ratio est, quia non est de essentia pollutionis Ecclesiae, ut sanguis exeat, sufficit enim quòd percussio sit injuriola, & quod sanguis postea exeat in quantitate, secus verò, si quis verberaret aliquem in Ecclesia causan-

do livorem, quia tunc non est polluta Ecclesia.

P R O C E S S U S.

PRimo, quomodo sit formandus processus, vide in practichistis, text. & Doct. in cap. quoniam contra, de probat. & cap. qualiter, & quando uterque, de accusat.

Secundò, exhibita, seu relata iudici pro animi informatione, non dicuntur de actis causa, non debet de his copia dari adversario petenti, *Guid. Pap. qu. 24r. de sequen.* sed Addit. ibi dicit, quòd si vult, potest dare dictam copiam.

Tertiò, quando aliquis Clericus possit, debet puniri processu Camerario, & familiari disciplina corrigi, ad hoc ne succedat infamia, & aliquibus iustis de causis, & ne oriatur aliquod scandalum. *Vide Diaz Pract. Crim. Can. cap. 79.*

Quartò, quomodo procedatur contra absentem, accusatum de gravi crimine de jure Canonico, vide pro optima practica quotidiana, *Guid. Pap. qu. 429. num. 3.*

Quintò, processus factus à iudice laico contra Clericum non est sufficiens, ut *Judex Ecclesiasticus* condemnet Clericum solum cum illius informatione. Ratio est, quia fuit factus à iudice non competenti, sed opus est novo processu, vel testium repetitione, *Clar. questio 36. ver. ult. quero, in fine questionis.* sed ego puto, quòd ille *Judex laicus* esset excommunicatus per Bullam Cænæ Domini in claus. contra capientes, seu processantes, & sentiantes personas eccle-